

# TRÍ BHILLIÚN CRANN BREISE ROIMH 2030

#3BillionTrees

FÁSAIMID  
LE CHÉILE



Tá plan ag an Aontas Eorpach chun **trí bhilliún crann breise a chur faoi 2030**. Baineann sé le hiarracht ghinearálta chun foraoisí AE a mhéadú agus dul i ngleic leis an athrú aeráide. Tionscnamh ar fud na hEorpa is ea Gealltanais na dTrí Bhilliún Crann.

Chomh maith le bheith go maith don aeráid, cuidíonn sé le sláinte **foraoise** a fheabhsú, neartaíonn sé **ceantair thuaithe**, agus cuireann sé le glasú **uirbeach**. Tá treochlár ag gabháil leis lena chinntiú go mbeidh éifeacht dhearfach ag gach iarracht chun crainn a chur ar an aeráid, ar an gcomhshaol, ar chathracha, agus ar shláinte agus ar fholláine shaoránaigh uile AE.

## TAIRBHÍ DO CHÁCH



### AN tATHRÚ AERÁIDE A THROID

D'fhéadfadh trí bhilliún crann, a chlúdódh **2 mhilliún ha**, suas le **4 mhilliún tona CO<sub>2</sub>** a bhaint as an atmaisféar **faoi 2030**, agus oiread agus **15 mhilliún tona faoi 2050**.



### SLÁINTE & FOLLÁINE

Déanann crainn an **t-aer a análaímid** a scagadh agus tá siad iontach dár bhfolláine: laghdaítear strus agus brú fola agus bímid níos sona nuair a chaithimid am ina measc.



### AN DÚLRA & AN BHITHÉAGSÚLACHT

Is i bhforaoisí a fheictear **80 % de bhitheagsúlacht an domhain** ar tír. Soláthraíonn siad seirbhísí éiceachórais tábhachtacha freisin cosúil le rialú tuilte, áiseanna caitheamh aimsire agus uisce glan.

## LE CHÉILE A OIBRÍMID!

Ní leor crainn nua a chur chun na géarchéimeanna aeráide agus bithéagsúlachta a réiteach, agus ní rogha eile é ar na crainn atá ann cheana a chaomhnú. Ina áit sin, comhlánaíonn an cur seo iarrachtaí níos ginearálta in AE chun crainn agus foraoisí a chosaint agus a gcaighdeán agus a líon a fheabhsú, chomh maith lenár gcomhshaol a athshlánú agus an dúlra a chosaint.

**Faoin gComhaontú Glas don Eoraip, leagtar amach gealltanais agus spriocanna, a athdhearbhaítear i Straitéis Bhithéagsúlachta AE, chun an dúlra a chosaint agus a athshlánú. Ceann de na gealltanais sin is ea an gealltanais trí bhilliún crann breise ar a laghad a chur in AE faoi 2030.**

Is gealltanais é freisin oibriú le chéile lenár spásanna glasa etc. agus cabhrú lena rátaí atáirgthe nádúrtha a mhéadú. Cé gur de rithabhacht é líon na gcrann, tá tábhacht le caighdeán an chuir freisin.



Tá crainn de dhíth orainn.  
Tá muidne riachtanach dóibhsean.  
Seo an todhchaí faoi do chúram!

Foghlaim tuilleadh **ANSEO!**



Tá sé mar aidhm leis an ngealltanais seo an ráta leathnaithe foraoise in AE a dhúbailt sa tréimhse 2005-2020, as a dtiocfaidh trí bhilliún crann breise faoi 2030.



## CONAS IS FÉIDIR LEAT DO CHRAINN A CHUR SAN ÁIREAMH SA GHEALLTANAS?

Tá sé éasca – cuireann tú, ansin cláraíonn tú. Tá ardán tiomnaithe forbartha ag an nGníomhaireacht Eorpach Comhshaoil, ar a dtugtar **Map My Tree**, chun na crainn a chlárú agus a chomhaireamh. Le bheith incháilithe, ní mór do chrainn a bheith curtha tar éis an 20 Bealtaine 2020, nuair a glacadh Straitéis Bhithéagsúlachta AE. Caithfidh gur crainn bhreise iad, agus ní cuid de na crainn a chuirtear de ghnáth, agus caithfidh siad a bheith tairbhiúil don bhitheagsúlacht agus don aeráid. Ciallaíonn sé sin go bhfuil cosc ar speicis choimhthíocha ionracha. Ach is féidir leat aon chrann dúchasach a chur, a bheag nó a mhór, ach amháin mura n-oireann sé do na dálaí réamh-mheasta aeráide, ithreach agus uisce.



## CÉ A CHUIRFIDH NA CRAINN SEO?

Is féidir le duine ar bith crann a chur. Chun an sprioc uailmhianach seo a bhaint amach, tá saoránaigh Eorpacha spreagtha de dhíth orainn chun crainn a chur agus chun a chinntiú go bhfásfaidh siad le himeacht ama. Braithfidh cé acu a bheidh rath ar an ngealltanais nó nach mbeidh ar thionscnaimh ón bpobal — ba mhaith linn go mbeadh daoine aonair, úinéirí talún, cumainn, cuideachtaí, agus comhlachtaí poiblí ar nós sráidbhailte, cathracha agus réigiún páirteach ann.



## CÉ A SHEICEÁLANN GO gCUIRTEAR NA CRAINN CHEARTA, AGUS GO MAIREANN SIAD?

Tá scéim fhadtéarmach pleanála agus monatóireachta bunaithe ag an gCoimisiún Eorpach, lena chinntiú go bhfásfaidh crainn a chuirtear le himeacht ama agus go mbláthóidh siad in aeráid atá ag athrú. Mar éascaitheoir an ghealltanais, ní sheiceálann an Coimisiún gach crann a chuirtear, ach déanann sé monatóireacht ar an dul chun cinn ginearálta. Soláthraíonn sé tacaíocht pholaitiúil agus theicniúil freisin, agus uirlisí cumarsáide agus lipéadaithe.

### CUR AR ARDCHAIGHDEÁN

Tá cur fóna éiceolaíoch ríthábhachtach chun ár sprioc a bhaint amach, agus clúdaíonn sé **ceithre phríomhchritéar**:

- ☒ An **crann** ceart
- ☒ An **áit** cheart
- ☒ An **t-am** ceart agus
- ☒ An **cuspóir** ceart



## CONAS IS FÉIDIR LIOM NA CRAINN A CHUIR MÉ A CHLÁRÚ?

Féadfaidh tú dul ar aip ghréasáin **Map My Tree** chun na crainn a chuir tú a thuairisciú mar chuid den ghealltanais. Más eagraíocht thú ag a bhfuil baint le crainn nua a chur, féadfaidh tú scríobh chuig **ENV-3BILLIONTREES@ec.europa.eu** freisin chun crainn atá curtha agat cheana féin a thuairisciú. Is féidir le daoine aonair rannchuidiú leis an ngealltanais freisin trí thacú le heagraíochtaí rannpháirteacha.



Oifig Foilseachán  
an Aontais Eorpaigh

© Aontas Eorpach, 2022

Déantar beartas athúsáide dhoiciméid an Choimisiúin Eorpaigh a rialú le Cinneadh 2011/833/AE ón gCoimisiún an 12 Nollaig 2011 maidir le hathúsáid dhoiciméid an Choimisiúin (IO L 330, 14.12.2011, lch. 39). Ach amháin má shonraítear a mhalairt, údaraítear an doiciméad seo a athúsáid faoi cheadúnas Creative Commons Attribution 4.0 International (CC-BY 4.0) (<https://creativecommons.org/licenses/by/4.0/>). Ciallaíonn sé sin go gceadaítear an athúsáid ar choinníoll go dtugtar an t-aitheantas cuí agus go léirítear aon athrú a dhéantar. Le haghaidh míreanna nach bhfuil faoi úinéireacht an Aontais Eorpaigh a úsáid nó a atáirgeadh, d'fhéadfadh sé gur gá cead a iarraidh go díreach ar shealbhóirí an chóipchirt.

PDF ISBN 978-92-76-52015-3

doi:10.2779/338918

KH-06-22-191-GA-N